

firmiter attractam, quæ corpus ejus transfodiens, ne plumis quidem sanguine tinctis, illum prius dejecit, deinde ipsa decidit.

62. Identidem rex acutis sagittis rhinocerotum capita, cornu erepto, leviora reddidit: superbas coercere jussus ille odio persequabatur elatum hostium fastigium, non vero longam eorum vitam.

63. Timoris expers tigrides, in conspectu e cavernis procurentes, florentibus *asanæ* arboris ramis similes, vento fractis, manu sua per exercitationem promptissima uno temporis momento pharetras reddidit, orum cava sagittis implens.

64. Leones, inter densas frutices cubantes, occidere cupiens, nervi sono, venti fragoris instar terribili, eos excitabat: invidebat scilicet illis regiam inter bestias dignitatem, ipsorum robore exaltatam.

65. Quos cum occidisset KAKUTSTHIDES, acerrimam contra elephantorum gentem inimicitiam fovescentes, quorum aduncis ungulis margaritæ adhærebant, iis elephantis, qui in prælio officia sibi præstiterant, sagittis suis debita se exsolvisse putabat.

66. Alicubi equo contra tauros directo, sagittasque ad aurem usque adductas effundens, illosque regum instar cito dispellens, albis flabellis contentus redditus est.

67. Pavonem, splendente crista ornatum, vel juxta equum evolantem, sagitta non petebat, quia illico recordabatur amatæ comarum, variis sertis distinctarum, atque in lusu amatorio dissolutarum.

68. Illius sudorem, e nimio labore ortum, qui rete vultui agglutinabat, detergebat sylvæ ventus, frigidis guttis mixtus, ramorum gemmas aperiens.

69. Ita venatio, callidæ puellæ instar, captum tenuit regem, qui, aliorum negotiorum oblitus, onus suum ministris imposuerat, et cujus ardor, quia continuo ei indulgebat, adauctus erat.

70. Rex, alicubi a comitibus separatus, noctem, fulgentibus herbis, quasi facibus, illustratam, in pulchrorum florum surculorumque strato transegit.

71. Mane elephantorum aurium ictibus, arguti tympani instar sonan-